

四庫全書

子部

欽定四庫全書

子部

冊府元龜卷三百四十一

詳校官中書臣羅錦森

侍讀臣孫球覆勘

總校官庶吉士臣何思鈞

校對官助教臣卞維吉

謄錄監生臣張同履

欽定四庫全書

冊府元龜卷三百四十一 宋 王欽若等 撰

將帥部

佐命第二

漢王吸以中涓從起豐至霸上為騎郎將入漢以將軍

擊項籍封清河侯

一作清陽

二千二百戶

召歐以中涓從起沛至霸上為連敖入漢以騎將定燕

趙得燕將軍封廣嚴侯二千二百戶

薛歐以舍人從起豐至霸上為郎入漢以將軍擊項籍
將鍾離昧封廣平侯四千五百戶

陳滷以舍人從起碭以刺客將入漢以都尉擊項羽柴陽
絕甬道殺追士卒封博陽侯

劉繆兵初起與諸侯共擊秦為楚左令尹漢王與項羽
有隙於鴻門繆解難以破羽降漢封射陽侯

周昌以職志

職志官名
主旗幟也

擊秦入漢出關以內史堅守敖

倉以御史大夫封汾陰侯比清陽侯

武虎

一作武儒

以謁者從擊破秦入漢定三秦出關以將軍

擊定諸侯比博陽侯二千八百戶封梁鄒侯

董濞

一作縹

以舍人從擊秦為都尉入漢定三秦出關以

將軍定諸侯比厭次侯二千八百戶封成侯

孔聚以執盾從起碭以左司馬入漢為將軍三以都尉

擊項籍屬韓信

此即楚漢春秋及史記所謂孔將軍居左者

封蓼侯

陳豨以特將將卒五百人從起宛朐至霸上為游擊將

軍別定代破臧荼封陽夏侯

陳賀以舍人從起碭以左司馬入漢用都尉屬韓信擊項籍為將軍定會稽浙江胡陵封費侯

周竈以卒從起碭以連敖入漢以長鉦都尉擊項籍連敖

楚官左傳楚有連尹莫敖其後合為一長鉦官號長刃兵也為刀而鉤形史記作長鉞鉞亦刀耳封隆

慮侯

丁復以越將從起薛至霸上以樓煩將入漢定三秦屬

周呂侯破龍且彭城為大司馬破項籍葉謂破楚葉縣也為將

軍忠臣封陽都侯七千八百戶

郭蒙以戶衛從起薛屬周呂侯破秦軍扛里陷楊熊軍
曲遇入漢為城將定三秦以都尉堅守敖倉為將軍破
項籍封東武侯三千戶

嚴不職

一作不言

以舍人從起沛至霸上以騎將入漢還擊

項籍屬丞相竇功侯用將軍擊黥布封武彊侯

宣虎以河南將軍降晉陽以重將破臧荼

重將者主將領別重也

封南安侯九百戶

陳武以將軍將卒二千五百人起薛別救東阿至霸上

一歲十月入漢擊齊歷下軍臨菑封棘蒲侯

朱軫以舍人從起沛以隊帥先降翟王虜章邯封都昌侯

合傳胡害以越戶將從破秦入漢定三秦以都尉擊項籍封賞侯六百戶功比臺侯

搖毋餘以越隊將從破秦入漢定三秦以都尉擊項籍封海陽侯一十七百戶

蔡寅以魏太僕漢王三年初從以車騎將軍破龍且及

彭城封肥如侯千戶

蟲達以西城戶將三十七人從起碭至霸上為執金吾
又為二隊將屬周呂侯入漢定王秦以都尉破項籍陳下

封曲成

一作曲城

侯四千戶

陳涓以卒起碭從以二隊將入漢擊項籍得梁郎將封
河陽侯

酈跖以門尉起碭至霸上為定武君入漢還定三秦為
都尉擊項羽封芒侯

閻澤赤以執盾初起從入漢為河上守遷為殷相擊項

籍封敬市侯

一作故市

千戶比平定侯

戎賜以連敖從起薛以三隊將入漢定三秦以都尉破
項籍軍為將軍封柳丘侯八千戶

周止以舍人從起沛以郎中入漢為周信侯定三秦以
為騎郎將破項籍東城封魏其侯千戶

繒賀漢王三年以執盾起從晉陽以連敖擊項籍漢王敗走
賀擊楚追騎以故不得進漢王顧謂賀祁王戰彭城斬

項籍爭惡絕延壁

謂之祁王者蓋嘉其功故寵號之許以爲王也爭惡謂爭惡地延壁壁壘

之名也封祁侯千四百戶

許惲漢三年用趙右林將初擊定諸侯

林將言朋林之將也

封宋

子侯

齊受以卒從起留以家車吏入漢以驍騎都尉擊項籍

得樓煩將

家車吏主漢王之車

封平定敬侯

工師喜以舍人從擊破秦以郎中入漢以將軍定諸侯
守雒陽封平侯比費侯賀千二百戶

奚涓以舍人從起沛至咸陽為郎入漢以將軍定諸侯
封魯侯四千八百戶

尹恢以謁者從入漢以將軍擊定諸侯以右丞相備守
淮陽封城父侯二千戶

襄漢表失其姓
一作無姓以執盾隊史從起碭破秦治粟內史人

漢以上郡守擊定西魏地封棘丘侯

郭亭以連敖從起單父以塞路入漢主遮塞要路
以備敵寇也還定

三秦屬周呂侯以都尉擊項籍封河陵侯一作
阿陵

單究

一作單甯

以舍人從以郎入漢定三秦以騎將軍擊諸

侯封昌武侯七百戶

丙猜以客從入漢定三秦以中尉破項籍封高宛侯

一作

高苑

千六百戶

丁義以卒從起留以騎將入漢定三秦破項籍軍滎陽
為郎騎將破鍾離昧軍固陵封宣曲侯六百七十戶

華無害以越將從起留入漢定三秦擊臧荼封終陵侯

一作

絳陽七百四十戶

劉到

一作劉釗

以舍人從起碭至霸上以二隊入漢定三秦

以都尉擊項籍破臧荼封東茅侯千戶

唐厲以舍人從起豐以左司馬入漢以亞將攻項籍却

敵為東部都尉破項籍封成武侯為中尉擊黥布封斤

丘侯千戶

戴野以舍人從起碭用隊帥入漢以都尉擊項籍籍死

屬買將軍擊臨江功封臺侯

丁禮以中涓騎從起碭為騎將入漢定三秦為正奉侯

以都尉擊項籍屬灌嬰殺龍且更為樂成侯千戶

鄂秋漢王三年以謁者從定諸侯有功封安平侯二千戶

陳夫乞以卒從起杠里入漢以都尉擊項籍以將軍定燕封高胡侯千戶

爰類以慎將謹慎為將也從起留入漢以都尉守廣武封厭

次侯

陳胥以卒從起薛以將軍入漢以右司馬擊項籍封復

陽侯千戶

其石以中謁者從入漢以郎中騎從定諸侯封河陽侯

五百戶

許盎以駢隣從起昌邑

一馬曰駢隣並兩騎也

以稅衛入漢

稅衛謂軍

行舍止之時為衛也

以中尉擊項籍封栢至侯千戶

呂馬童以郎騎將從好時以司馬擊龍且復共斬項籍
封中水侯千五百戶

王翳

一作士醫

以中郎騎從起下邳屬淮陰侯從灌嬰共斬

項籍封杜衍侯千七百戶

楊喜

一作楊嘉

以郎中騎從起杜屬淮陰侯從灌嬰共斬項

籍封赤泉侯千九百戶

華寄以舍人從起薛以連敖入漢以都尉擊項籍封朝陽侯千戶

杜得臣以卒從起湖陵入漢以即將迎左丞相軍擊項籍封棘陽侯千戶

呂騰以騎士從出關以郎中共擊項籍封涅陽侯千三

百戶

林摯以客從起元父斬章邯所置蜀守用燕相封平棘

侯千戶

趙將夕

一作將夜

以趙將屬淮陰侯定趙齊楚封深澤侯七

百戶

程黑以趙衛將軍從起盧奴擊項籍敖倉下為將軍攻

臧荼封厯侯

一作厯侯

千戶

陳邈以舍人從起豐入漢以都尉擊項籍封猗氏侯千

一百戶

室中

一作室中

同以弩將初起從入漢以都尉擊項籍封清

侯千戶

留盼

一作留勝

以客吏初起從入漢以都尉擊項籍封彊侯

千戶

秦同以卒從起薛以弩將入漢以都尉擊項籍封彭侯

千戶

楊武以郎中騎將從起下邳擊陽夏以騎都尉擊項籍

封吳房侯七百戶

魏邀以舍人從起碭入漢以都尉擊臧荼封甯侯千戶
張說以卒從起方與以執盾入漢以司馬擊項籍以將
軍定代封安丘侯二千戶

陳畧以卒從起霸上以謁者擊項籍斬曹咎封龍陽侯

一作
龍侯千戶

孫赤以中涓從起沛以郎入漢以將軍擊項籍封惠侯
坐守滎陽降楚免復來以郎擊項籍為上黨守擊陳豨

封堂陽侯八百戶

高色

一作高邑

以客從起鬻桑以上隊將入漢以將軍擊魏

太原井陘屬韓信嬰度軍破項籍封祝陽侯

一作祝阿

千八

百戶

呂臣以舍人從起陳留以郎入漢破曹咎成臯為都尉

擊陳豨封甯陵

一作甯陵

侯千戶

靳彊以郎中騎千人從起櫟陽擊項籍以中尉破鍾離

昧封汾陽侯

祕彭祖以卒從起沛以卒開沛城門為太公僕以中廩
令擊陳豨封戴侯千一百戶

周聚以卒從起豐以隊率入漢擊項籍成臯封博陽侯
冷耳以客從起沛入漢用兵擊破齊田解軍以楚丞相
堅守彭城封下相侯二千戶

王虞人

一作王周

以騎司馬從起廢丘以都尉破田橫龍且追

項籍至東城封高陵侯九百戶

季必

一作李必

以騎都尉從起櫟陽攻破廢丘因擊項籍屬

韓信破齊封威侯千五百戶

奚意以魏卽初從起陽武擊項籍屬魏王豹封成陽侯
六百戶

陳蒼以中涓從起豐以騎將入漢以將軍擊項籍封紀
信侯七百戶

毛釋之以中涓從起豐以郎騎入漢還從擊諸侯封張
侯七百戶

卓朱以越連敖從起薛別以越將入漢擊諸侯以都尉

封煮棗侯九百戶

朱潁以卒從起豐入漢以都尉擊項籍封鄆陵侯二千

七百戶

後漢鄧禹字仲華南陽新野人光武安集河北即杖策

北度追及於鄴號曰鄧將軍嘗宿止於中與定計議及

王郎起兵光武自薊至信都使禹發奔命得數千人令

自將之別攻拔樂陽

樂陽縣屬常山郡

從至廣阿

東觀記曰帝率禹等擊王

郎橫野將軍劉奉大破之帝過禹營禹進炙魚帝瑣
唱勞勉吏士威嚴甚厲衆皆竊言劉公真天人也
光

武使別將騎與蓋延等擊銅馬於清陽延等先至戰不利還保城為賊所圍禹遂進與戰破之生獲其大將從光武追賊至滿陽連大克獲北州畧定及赤眉西入關更始使定國上公王匡襄邑王成丹抗威將軍劉均及諸將分據河東弘農以拒之赤眉衆大集王匡等莫能當光武籌赤眉必破長安欲乘釁并關中而方自事山東未知所寄以禹沈深有度故授以西討之略乃拜爲前將軍持節中分麾下精兵二萬人遣西入關令自

選偏裨以下可與俱者於是以韓歆為軍師李文李春

程慮為祭酒

慮字或為憲

馮愔為積弩將軍樊崇為驍騎將

軍宗歆為車騎將軍鄧尋為建威將軍耿訢為赤眉將

軍左子為軍師將軍引而西建武元年正月禹自箕關

將入河東

箕關在今王屋縣東

河東都尉守關不開禹攻十日破

之獲輜重千餘乘進圍安邑數月未能下更始大將軍

樊參將數萬人度大陽欲攻禹

大陽縣屬河東郡春秋秦伯伐晉自茅津渡河

東大陽縣是也

禹遣諸將逆擊於解南大破之斬參首

解縣屬河東郡

於是王匡成丹劉均等合軍十餘萬復共擊禹禹軍不利樊崇戰死會日暮戰罷軍師韓歆及諸將見兵勢已摧皆勸禹夜去禹不聽明日癸亥王匡等以六甲窮日不出禹因得更理兵勒衆明旦匡等悉軍出攻禹禹令軍中無得妄動既至營下因傳發諸將鼓而竝進大破之匡等皆棄軍亡走禹率輕騎急追獲劉均及河東太守楊寶持節中郎將弭彊皆斬之收得節六印綬五百兵器不可勝數遂定河東承制拜李文為河東太守悉

更置屬縣令長以鎮撫之

馮異字公孫潁川人漢兵起異以郡掾監五縣與父城
長苗萌共城守為王莽拒漢光武畧地潁川攻父城不
下屯兵中車鄉異間出行屬縣為漢兵所執時異從兄
孝及同郡丁綝呂晏竝從光武因共薦異得召見異曰
異一夫之用不足為強弱有老母在城中願歸據五城
以効功報德光武曰善異歸謂苗萌曰今諸將皆壯士
崛起多暴橫獨有劉將軍所到不虜掠觀其言語舉止

非庸人也可以歸身苗萌曰死生同命敬從子計光武
南還宛更始諸將攻父城者前後十餘輩異堅守不下
及光武為司隸校尉道經父城異等即開門奉牛酒迎
光武署異為主簿苗萌為從事從至雒陽更始數欲遣
光武徇河北諸將皆以為不可是時左丞相曹竟子詡
為尚書父子用事異勸光武厚結納之及度河北詡有
力焉異後因間進說曰天下同苦王氏思漢久矣今更
始諸將從橫暴虐所至虜掠百姓失望無所依戴今公

專命方面施行恩德夫有桀紂之亂乃見湯武之功人

久飢渴易為充飽宜急分遣官屬徇行郡縣理冤結布

惠澤光武納之至邯鄲遣異乘傳撫循屬縣及王郎起

光武自薊東南馳至饒陽蕪婁亭

亭名今在饒陽

遇大風雨光

武引車入道傍空舍異抱薪鄧禹篝火異復進麥飯菟肩因

復渡滹沱至信都使異別收河間兵還拜偏將軍從破

王郎封應侯

應國在城父縣西南

別擊破鐵脰於北平又降匈奴

于林闡頓王

匈奴王號

因從平河北時更始遣李軼王田立朱

鮪陳僑等

僑一作喬

將兵號三十萬與河南太守武勃共守

洛陽光武乃拜寇恂為河內太守異為孟津將軍統二

郡軍河上與恂合勢以拒朱鮪等北攻天井關拔上黨

兩城又南下河南成臯以東十三縣及諸屯聚皆平之

降者十餘萬武勃將萬餘人攻諸畔者異引軍渡河與

勃戰於士鄉下

士鄉亭名屬河南

大破斬勃獲首五千餘級勸

光武即帝位異與諸將定議上尊號建武二年春定封

陽夏侯引擊陽翟賊嚴終趙根破之時赤眉延岑暴亂

三輔郡縣大姓各擁兵衆大司徒鄧禹不能定乃遣異代禹討三輔既至皆布威信弘農群盜稱將軍者十餘輩皆率衆降異與赤眉遇於華陰相拒六十餘日戰數十合降其將劉始王宣等五千餘人三年春遣使者即拜異為征西大將軍與鄧禹鄧弘等共攻赤眉大破於峭底降男女八萬人餘衆尚十餘萬東走宜陽延岑據藍田王歆據下邳芳丹據新豐蔣震據霸陵張邯據長安公孫守據長陵楊周據谷口呂鮪據陳倉角闕據

汧路蓋延據藍屋任良據鄠汝章據槐里各稱將軍擁
兵多者萬餘少者數千人轉相攻擊異且戰且行屯軍
上林苑中延岑既破赤眉自稱武安王拜置牧守欲據
關中引張邯任良共攻異異擊破之斬首千餘級諸營保
守附岑者皆來降歸異岑走攻析異遣復漢將軍鄧暹
輔漢將軍于匡要擊岑大破之降其將蘇臣等八千餘
人岑遂自武關走南陽詔拜南陽趙匡為右扶風將兵
助異乃稍誅擊豪傑不從令者褒賞降附有功勞者悉

遣其渠帥詣京師散其衆歸本業威行關中唯呂鮪張
邛蔣震遣使降蜀其餘悉平

吳漢字子顏南陽宛人王莽末亡命至漁陽更始立使
使者韓鴻徇河北或謂鴻曰吳子顏奇士也可與計事
鴻召見漢甚悅之遂承制拜為安樂令會王郎起北州
擾惑漢素聞光武長者獨欲歸心乃說太守彭寵曰漁
陽上谷突騎天下所聞也君何不合二郡精銳附劉公
擊邯鄲此一時之功也寵以為然而官屬皆欲附王郎

寵不能奪漢辭出止外亭念所以謫衆未知所出望見道中有一人似儒生者漢使人召見之為具食問以所聞生因言劉公所過為郡縣所歸邯鄲舉尊號者實非劉氏漢大喜即詐為光武書移檄漁陽使生齎以詣寵令具以所聞說之漢復隨後入寵甚然之於是遣漢將兵與上谷諸將并軍而南所至擊斬王郎將帥及光武於廣阿拜漢為偏將軍既拔邯鄲賜號建策侯光武將發幽州兵鄧禹薦之拜大將軍持節北發十郡突騎更

始幽州牧苗曾不肯應調漢乃將二十騎先馳至無終

在今幽州
漁陽縣

斬曾而奪其軍北州震駭城邑莫不望風弭

從

弭服也

遂悉發其兵引而南與光武會又與岑彭攻更

始尚書令謝躬于邯鄲襲其城漢手擊殺躬其衆悉降

光武北擊羣賊

謂銅馬
高胡

漢嘗將突騎五千為軍鋒數先

登陷陣及河北平漢與諸將奉圖書上尊號光武即位
拜為大司馬更封舞陽侯

賈復字君文南陽冠軍人王莽末為縣掾時下江新市

兵起復亦聚衆數百人於羽山自號將軍更始立乃將其衆歸漢中王劉嘉以為校尉復見更始政亂諸將放縱乃說嘉曰臣聞圖堯舜之事而不能至者湯武是也圖湯武之事而不能至者桓文是也圖桓文之事而不能至者六國是也定六國之規欲安守之而不能至者七六國是也今漢室中興大王以親戚為藩輔天下未定而安守所保所保得無不可保乎嘉曰卿言大非吾任也大司馬劉公在河北必能相施第馳我書往

施用也
第但也復

遂辭嘉受書北渡河及光武於柏人因鄧禹得召見光武奇之禹亦稱有將帥節於是署復破虜將軍督盜賊光武至信都以復為偏將軍及拔邯鄲遷都護將軍從擊青犢於射犬大戰復被羽先登所向皆靡賊乃敗走又北與五校戰於真定大破之光武即位拜為執金吾封冠軍侯先渡河攻朱鮪於雒陽與陳儵戰連破降之建武二年益封穰朝陽二縣更始鄗王尹尊及諸大將在南方未降者尚多光武遣復與騎都尉陰識驍騎將

軍劉植南度五社津擊郾連破之月餘尹尊降盡定其

地引東擊更始淮陽太守暴汜汜降屬縣悉定南擊召

陵新息平定之

新息今蔡州縣

明年遷左將軍別擊赤眉於新

城澠池間連破之與光武會宜陽遂降赤眉

寇恂字子翼上谷昌平人初為郡功曹太守耿況甚重

之會王郎起遣將狗上谷急况發兵恂與門下掾閔業

共說况曰邯鄲拔起難可信向昔王莽時所難獨有劉

伯升耳今聞大司馬劉公伯升母弟尊賢下士士多歸

之可攀附也况曰邯鄲方威力不能獨拒如何恂對曰
今上谷完實控弦萬騎舉大郡之資可以詳擇去就恂
請東約漁陽齊心合衆邯鄲不足圖也况然之乃遣恂
到漁陽結謀彭寵恂還至昌平襲擊邯鄲使者殺之奪
其軍遂與况子奂等俱南及光武於廣阿拜恂為偏將
軍號承義侯從破羣賊數與鄧禹謀議禹奇之薦恂為
河內太守行大將軍事會更始將朱鮪使討難將軍蘇
茂副將賈彊將兵三萬餘人渡鞏河攻温

鞏温皆縣名

恂勒

軍奔擊大破之追至雒陽遂斬賈彊茂兵自投河死者數千生獲萬餘人光武大喜曰吾知寇子翼可任也諸將軍賀因上尊號於是即位建武二年封雍奴侯邑萬

戶

鄧晨字偉卿南陽新野人初娶光武姊元王莽末穰人蔡少公學圖讖言劉秀當為天子或曰是國師公劉秀光武戲曰何用知非僕耶坐者皆大笑晨心獨喜及光武與家屬避吏新野舍晨廬甚相親愛及漢兵起更始

立以晨為偏將軍與光武畧地至潁川俱夜出昆陽城

擊破王尋王邑又別徇陽翟以東至京密皆下之

京密二縣

名京今鄭州滎陽縣東鄭之京邑也密在滎陽東南

更始北都雒陽以晨為常山

太守光武追銅馬高胡羣賊於冀州晨發積射士千人

積與逆同謂尋迹而射也

又遣委輸給軍不絕光武即位封房子侯

房子今趙州縣也

蓋延字巨卿漁陽要陽人彭寵為太守召延署營尉行護軍及王郎起延與吳漢同謀歸光武延至廣阿拜偏

將軍號建功侯從平河北光武即位以延為虎牙將軍
建武二年更封安平侯

陳俊字子昭南陽西鄂人

江夏有鄂故加西也其城在今鄂州向城縣南

少為

郡吏更始立以宗室劉嘉為太常將軍俊為長史光武
徇河北嘉遣書薦俊光武以為安集掾從擊銅馬於清
陽進至滿陽拜彊弩將軍與五校戰於安次俊下馬手
接短兵所向必破追奔二十餘里斬其渠帥而還五校
引退入漁陽俊將輕騎馳出賊前視人保壁堅完者勅

令固守放散在野者因掠取之賊至無所得遂散敗光武即位封為列侯建武二年春攻匡縣賊下四縣更封

新處侯

新處縣名屬中山

耿弇字伯昭扶風茂陵人王莽末弇父況為朔調連帥及更始立諸將略地者前後多擅威權輒改易守令况自以王莽之所置懷不自安時弇年二十一乃辭况奉奏詣更始因齎貢獻以求自固之宜及至宋子會王即詐稱成帝子子興起兵邯鄲弇從吏孫倉衛包於道共

謀曰劉子輿成帝正統捨此不歸遠行安之弇按劍曰
子輿弊賊卒為降虜耳我至長安與國家陳漁陽上谷
兵馬之用還出太原代郡反覆數十日歸發突騎以犛
烏合之衆犛犛也如摧枯折腐耳觀公等不識去就族滅

不久也倉包不從遂亡降王郎弇道聞光武在盧奴乃
馳北上謁光武留署門下吏弇因說護軍朱祐求歸發
兵以定邯鄲光武笑曰小兒曹乃有大意哉因數召見
加恩慰弇因從光武北至薊聞邯鄲王郎兵方到光武

將欲南歸召官屬計議弇曰今兵從南來不可南行漁陽太守彭寵公之邑人上谷太守即弇父也發此兩郡控弦萬騎邯鄲不足慮也光武官屬腹心皆不肯曰死尚南首奈何北行入囊中光武指弇曰是我北道主人也會薊中亂光武遂南馳官屬各分散弇走昌平就况因說况使寇恂東約彭寵各發突騎二千匹步兵千人弇與景丹寇恂及漁陽兵合軍而南所過擊斬王郎大將九卿校尉以下四百餘級得印綬百二十五節二斬

首三萬餘級定涿郡中山鉅鹿清河河間凡二十二縣
遂及光武於廣阿是時光武方攻王郎傳言二郡兵為
邯鄲來衆皆恐既而悉詣營上謁光武見弇等說曰當
與漁陽上谷士大夫共此大功乃皆以為偏將軍使還
領其兵加況大將軍興義侯得自置偏裨弇等遂從拔
邯鄲時五校賊二十餘萬北寇上谷況與舒連擊
破之賊皆退走更始見光武威聲日盛君臣疑慮
乃遣使立光武為蕭王令罷兵與諸將有功者還長

安遣苗曾為幽州牧韋順為上谷太守蔡充為漁陽太守竝北之部時光武居邯鄲宮晝卧溫明殿舍入造牀下請間因說曰今更始失政君臣淫亂諸將擅命於畿內貴戚縱橫於都內天子之命不出城門所在牧守輒自遷易百姓不知所從士人莫敢自安虜掠財物劫掠婦女懷金玉者至不生歸元元叩心更思莽朝又銅馬赤眉之屬數十輩輩數十百萬聖公不能辦也其敗不久公首事南陽破百萬之軍今定河北北據天府之地

以義征伐發號響應天下可傳檄而定天下至重不可
令它姓得之聞使者從西方來欲罷兵不可從也令吏
士死亡者多奔願歸幽州益發精兵以集其大計光武
大說乃拜奔為大將軍與吳漢北發幽州十郡兵奔到
上谷收韋順蔡充斬之漢亦誅苗曾於是悉發幽州兵
引而南從光武擊破銅馬高湖赤眉青犢又追尤來大
搶五幡於元氏奔常將精騎為軍鋒輒破走之光武乘
勝戰慎水上追至容城小廣陽安次連戰破之光武還

薊復遣奔與吳漢景丹蓋延朱祐邳彤耿純劉植岑彭
祭遵堅鐔王霸陳俊馬武十三將軍追賊至潞東及平
谷再戰斬首萬三十餘級遂窮追於右北平無終土垠之
間至浚靡而還無終上垠浚靡並縣名屬右北平賊散入遼西遼東或
為烏桓貊人所鈔擊畧盡光武即位拜奔為建威大將
軍建武二年更封好時侯

冊府元龜卷三百四十一

欽定四庫全書

冊府元龜卷三百四十二 宋 王欽若等 撰

將帥部

佐命第三

後漢鉞期字次况潁川郊人光武畧地潁川聞期志義

召署賊曹掾

賊曹主盜賊之事比三百石

從狗薊時薊中起兵應王

郎光武趨駕出百姓聚觀誼呼滿路遮道不得行期奮

戰瞋目大呼左右曰趨

止行清道若今警蹕也

衆皆披靡及至城

城門已閉攻之得出行至信都以期為裨將與傅寬呂
晏俱屬鄧禹徇傍縣又發房子兵禹以期為能獨拜偏
將軍授兵二千人寬晏各數百人光武使期別徇真定

宋子攻拔樂陽橐肥壘

樂陽橐今橐城縣肥壘故肥子國竝屬真定

從擊王

郎將兒宏劉奉於鉅鹿下期先登陷陣手殺五十餘
人遂大破之王郎平拜期虎牙大將軍乃因間說光武
曰河北之地界接邊塞人習兵戰號為精勇今更始失
政大統危殆海內無所歸往明公據河山之固擁精銳

之衆以順萬人思漢之心則天下誰敢不從光武笑曰

卿欲遂前趕耶

惟天子得稱警蹕

時銅馬數十萬衆入清陽博

平

博平今博州縣

期與諸將迎擊之連戰不利會光武救至遂

大破之從擊青犢赤眉於射犬賊襲期輜重期還擊之

手殺傷數十人身被三創而戰方力

力苦戰

遂破走之光

武即位封安成侯

屬汝南郡故城在今汝陽縣東南

食邑五千戶

王霸字元伯潁川潁陽人漢兵起光武過潁陽霸率賓

客上謁曰將軍興義兵竊不自量貪慕威德願充行伍

光武曰夢想賢士共成功業豈有二哉遂從擊破王尋
王邑於昆陽還休鄉里及光武為司隸校尉道過潁陽
霸請其父願從父曰吾老矣不任軍旅汝往勉之霸從
至雒陽及光武為大司馬以霸為功曹令史從渡河北
賓客從霸者數十人稍稍引去光武謂霸曰潁川從我
者皆逝而子獨留努力疾風知勁草及王郎起光武即
南馳下曲陽以霸為軍正爵闕內侯既至信都發兵攻
拔邯鄲霸追斬王郎得其璽綬封王鄉侯從平河北常

與臧宮傅俊共營光武即位以霸曉兵愛士可獨任拜
為偏將軍并將宮俊兵而以宮俊為騎都尉建武二年

夏封富波侯

富波縣名
屬汝南

祭遵字弟孫潁川潁陽人光武破王尋等還過潁陽遵
以縣吏數進見光武愛其容儀署為門下史從征河北
為軍市令尋拜為偏將軍平河北以功封列侯建武二
年拜征虜將軍封潁陽侯

臧宮字君翁潁川邠人少為縣亭長游徼

漢制十里一
亭有長每鄉

有游徼皆
禁姦盜

後率賓客入下江兵中為校尉因從光武征

戰諸將多稱其勇光武察宮勤力少言甚親納之及至

河北以為偏將軍從破羣賊數陷陣却敵光武即位以

為侍中騎都尉建武二年封成安侯

屬潁川

明年將突騎

與征虜將軍祭遵擊更始將左防韋顏

韋一作韓

於沮陽酈

悉降之後封期思侯

屬汝南故城在今
光州固始縣西北

任光字伯卿南陽宛人為郡縣吏漢兵至宛軍人見光

冠服鮮明令解衣將殺而奪之會光祿勳劉賜適至視

光容貌長者乃救全之光因率黨與從賜為安集掾拜
偏將軍與光武破王尋王邑更始至雒陽以光為信都
太守及王郎起郡國皆降之光獨固守會光武自薊還
狼狽不知所向傳聞信都獨為漢拒邯鄲即馳赴之光
等孤城獨守恐不能全聞光武至大喜吏民皆稱萬歲
即時開門迎謁光武拜光為左大將軍封武成侯使光
將兵從入堂陽界堂陽今冀州縣使騎各持炬火彌滿澤中光
炎燭天地舉城莫不震驚惶怖其夜即降旬日之間兵

衆大盛因攻城邑遂屠邯鄲廼遣光歸郡光武即位封

光阿陵侯

阿陵縣名屬涿郡

食邑萬戶

李忠字仲都東萊黃人

黃今萊州縣故城在縣東南

王莽末為新博

屬長

莽改信都國曰新博都尉曰屬長也

更始立使使者行郡國即拜忠

都尉官忠遂與太守任光同奉光武以為右大將軍封

武固侯從攻下屬縣至苦陘

苦陘縣名屬中山

進圍鉅鹿未下

王郎遣將攻信都信都大姓馬寵等開城內之會更始

遣將攻信都因使忠還行太守事及任光歸郡忠乃還

復為都尉建武二年夏封中水侯

中水屬涿郡故城在今瀛洲樂壽縣西北食

邑三千戶

萬修字君游扶風茂陵人更始時為信都令與太守任光都尉李忠共城守迎光武拜為偏將軍封造義侯及破邯鄲拜右將軍從平河北建武二年夏封槐里侯

邳彤字偉君信都人初為王莽和成卒正

王莽分鉅鹿為和成郡居

下曲陽以形為卒正

光武徇河北至下曲陽彤舉城降復以為太

守留止數日光武北至薊會王郎兵起使其將狗地所

到縣莫不奉迎唯和成信都堅守不下彤聞光武從薊
還大軍欲至信都乃先使五官掾張萬督郵尹綏選精
騎二千餘匹沿路迎光武軍彤尋與光武會信都拜彤
為後大將軍使將兵居前北至堂陽堂陽已反屬王郎
彤使張萬尹綏先曉諭吏民光武夜至即開門出迎引
兵擊破白奢賊於中山自此常從戰攻及拔邯鄲封武

義侯建武元年更封靈壽侯

靈壽縣名故城在今恒州

劉植字伯先鉅鹿昌城人王郎起植與弟喜從兄歆

喜一

作嘉字共仲
歆字細君也率宗族賓客聚兵數千人據昌城聞光武

從薊還迺開門迎光武以植為驍騎將軍喜歆偏將軍
皆為列侯時真定王劉揚起兵以附王郎衆十餘萬光
武遣植說揚揚迺降因得進兵拔邯鄲從平河北建武
二年更封植為昌城侯

耿純字伯山鉅鹿宋子人初從李軼為騎都尉安集趙
魏會光武渡河至邯鄲純即謁見光武深接之純退見
官屬將兵法度不與它將同遂求自結納獻馬及縑帛

數百疋光武北至中山留純邯鄲會王郎反光武自薊

東南馳純與從昆弟訢宿植共率宗族賓客二千餘人

奉迎於育

育縣名在冀州

拜純為前將軍封耿鄉侯

郎水北有耿鄉俗謂

之宜安城在恒州藁城縣西南

訢宿植皆偏將軍使純居前降宋子從

攻下曲陽及中山及至鄆光武止傳舍鄆大姓薊公反

城開門內王郎將李暉純先覺之將兵逆與暉戰大破

之從平邯鄲又破銅馬時赤着青犢上江大彤鐵脰五

幡十餘萬衆竝在射犬光武引兵將擊之純軍在前去

衆營數里賊忽夜攻純兩射營中

兩射謂矢
下如雨也

純勒部曲

堅守不動選敢死二十人俱持強弩各傳三矢使銜枚

間行

傅著也

繞出賊後齊聲呼譟強弩竝發賊衆驚走追

擊破之光武即位封高陽侯擊劉永於濟陰下定陶後

封為東光侯

東光今滄
州縣也

朱祐字仲先南陽宛人往來春陵光武與伯升皆親愛
之伯升拜大司徒以祐為護軍及伯升死光武為大司
馬討河北復以祐為護軍常力戰陷陣以為偏將軍封

安陽侯光武即位拜為建義大將軍建武二年更封堵

陽侯

堵陽縣名故城在
今唐州方城縣

景丹字孫卿馮翊櫟陽人以言語為固德侯相遷朔調

連率副貳

朔調上
谷也

更始立遣使者徇上谷丹與連率耿

況降復為上谷長史王郎起丹與況共謀拒之况使丹

與子弇及寇恂等將兵南歸光武光武引見丹等笑曰

邯鄲將帥數言我發漁陽上谷兵吾聊應言然

王郎將
帥數云

欲發二郡兵以拒光武時光武聊
應然之猶今兩軍遙相戲弄也

何意二郡良為吾來

東觀記曰帝在廣阿間外有大兵自來登城勒兵在西門樓上問何等兵丹等對曰上谷漁陽兵帝曰為誰來乎對曰為劉公即請丹入人人勞寇恩意甚備方與士大夫共此功名耳拜丹

為偏將軍號奉義侯從擊王郎將倪宏等於南緣郎兵迎戰漢軍退卻丹等縱突騎擊大破之追奔十餘里死傷者縱橫遂從征河北光武即位拜丹為驃騎大將軍

建武二年定封櫟陽侯與吳漢耿弇朱祐賈復馮異陳俊王常臧宮等從擊破五校於葦陽

聚名

降其衆五萬人

王梁字君嚴漁陽安陽人為郡吏太守彭寵以梁守狐

奴令與蓋延吳漢俱將兵南及光武於廣阿拜偏將軍
野王令與河內太守寇恂南拒雒陽北守天井關朱鮪
等不敢出兵光武以為梁功及即位拜為大司空封武
強侯

杜茂字諸公南陽冠軍人初歸光武於河北為中堅將

軍嘗從征伐及即位拜大將軍封樂鄉侯

樂鄉屬信都

北擊

五校於真定進降廣平建武二年更封苦陘侯與王梁
擊五校賊於魏郡清河東郡悉平諸營保降其持節大

將三十餘人

謂大將軍杜猛持節
光祿大夫董敦等

三郡清靜道路流通

拜驃騎大將軍

馬成字君遷南陽棘陽人少爲縣吏光武徇潁川以成

爲安集掾調守郟令

郟縣名今汝州縣也

光武討河北成即棄官

步負追及於滿陽以成爲期門從征伐及即位再遷護

軍都尉封平舒侯二十七年定封全椒侯

劉隆字元伯南陽安衆侯之宗室更始拜爲騎都尉謁

歸

謁請也謂請假歸也

迎妻子置雒陽聞光武在河內即追及於

射犬以爲騎都尉與馮異共拒朱鮪李軼等軼遂殺隆

妻子建武二年封亢父侯

亢父屬東平故城在今兗州任城縣南

傅俊字子衛潁川襄城人光武徇襄城俊以縣亭長迎

軍拜爲校尉襄城收其母弟宗族皆滅之從破王尋等

以爲偏將軍別擊京密破之及光武討河北俊與賓客

十餘人北追及於邯鄲光武使將潁川兵常從征伐及即

位以俊爲侍中建武二年封昆陽侯

堅鐔字子伋

伋一作皮

潁川襄城人爲郡縣吏光武討河北

以其更能署主簿又拜偏將軍從平河北別擊破大槍於盧奴及即位拜鎮揚化將軍封濇強侯

岑彭字君然南陽棘陽人王莽時守本縣長漢兵起彭降更始封爲歸德侯令屬伯升及伯升遇害彭遷潁川太守會春陵劉茂起兵略下潁川彭不得之官乃與麾下數百人從河內太守韓歆會光武徇河內彭勸歆迎降因進說曰今赤眉入關更始危殆權臣放縱矯稱制詔道路阻塞四方蜂起群雄競逐百姓無所歸命竊聞

大王平河北開王業此誠皇天祐漢士人之福也彭蒙

司徒公所見全濟未有報德

謂彭初降諸將欲誅之伯升言不如封之以勸後

旋被禍難永恨於心

謂伯升為更始所害

今復遭遇願出身自効

光武深接納之更始大將軍呂植將兵屯淇園彭說降

之於是拜彭為刺姦大將軍使督察衆營授以常所持

節從平河北光武即位拜為廷尉行大將軍事與吳漢

王梁朱祐萬修賈復劉植堅鐔侯進馮異祭遵王霸等

圍雒陽數月朱鮪等堅守不下光武令彭說降之建武

二年使彭擊荊州下隼葉等十餘城

隼縣名在今汝州魯山縣東南葉今

汝州縣也

後更封爲舞陰侯

馬武字子張南陽湖陽人更始初爲侍郎與光武破王
尋等拜爲振威將軍與尚書令謝躬共攻王郎及光武
拔邯鄲因從擊尤來五幡等敗於慎水武獨殿還陷陣

故賊不得追及

殿鎮後也

進至安定次小廣陽

即廣平亭也在今幽州范

陽縣以有廣陽國故謂此亭爲小廣陽

武嘗爲軍鋒力戰無前諸將皆引

而隨之故遂破賊窮追至平谷浚靡而還

平谷縣名屬漁陽郡浚靡

亦縣名屬右北平郡

光武即位以武為侍中騎都尉封山都侯

朱浮沛國蕭人初從光武為大司馬主簿遷偏將軍從破邯鄲光武遣吳漢誅更始幽州牧苗曾乃拜浮為大將軍幽州牧守薊城遂討定北邊建武二年封舞陽侯

食三縣

魏夏侯惇字元讓沛國譙人太祖初起惇嘗為裨將從征伐太祖行奮威將軍以惇為司馬別屯白馬遷折衝校尉領東郡太守太祖自徐州還惇從征呂布為流矢

所中傷左目復領陳留濟陰太守封高安侯領河南尹
太祖平河北為大將軍後拒鄴破遷伏波將軍累封至
二千五百戶又從征孫權還使都督二十六軍魏國建
諸將皆受魏官號惇獨漢官乃上疏自陳不當不臣之
禮太祖曰吾聞太上師臣其次友臣夫臣者貴德之人
也區區之魏而臣足以屈君乎惇固請乃拜為前將軍
文帝即王位封惇大將軍

夏侯淵字妙才惇之族弟太祖起兵以別部司馬騎都

尉從遷陳留潁川太守及與袁紹戰於官渡行督軍校尉昌豨反遣子禁擊之未拔復遣淵與禁并力擊豨遂降其十餘屯豨詣禁降淵還拜典軍校尉濟南樂安黃巾徐和司馬俱等攻城殺長吏淵將太山齊平原郡兵擊大破之斬和平諸縣太祖征孫權還使淵督諸將擊廬江叛者雷緒緒破又行征西護軍督徐晃擊太原賊攻下二十餘屯斬賊帥商曜屠其城從征韓遂等戰於渭南又督朱靈平隄糜汧氏與太祖會安定降楊秋大

祖還鄴以淵行護軍將軍督朱靈路招等屯長安擊破
南山賊劉雄降其衆還圍韓遂馬超餘黨梁興於鄠拔
之斬興封博昌亭侯初枹罕宋建因涼州亂自號河首
平漢王太祖使淵帥諸軍討建月餘拔之斬建及所置
丞相已下淵別遣張郃等平河關渡河入小湟中河西
諸羌盡降隴右平淵累封至八百戶從征張魯會魯降
以淵行都護將軍督張郃徐晃等平巴郡太祖還鄴留
淵守漢中拜征西將軍建安二十四年蜀先主軍陽平

關淵拒之戰死

李通江夏平春人以俠聞於江汝之間與郡人陳恭共起兵於朗陵衆多歸之後舉衆詣太祖於許拜通振威中郎將屯汝南西界太祖討張繡劉表遣兵以助繡太祖軍不利通將兵夜詣太祖太祖得以復戰通為先登大破繡軍拜裨將軍封建功侯又擊羣賊瞿恭江宮沈成等皆破殲其衆送其首遂定淮汝之地改封都亭侯拜汝南太守時賊張赤等五千餘家聚桃山通攻破之

于禁泰山鉅平人黃巾起鮑信招合徒衆禁附從焉及
太祖領兗州禁與其黨俱詣為都伯屬將軍王朗朗異之
薦禁才任大將軍太祖召見與語拜軍司馬使將兵詣
徐州攻廣威拔之拜陷陣都尉從討呂布於濮陽別破布
二營於城南又別將破高雅於須昌從攻壽張定陶狐
離圍張超於雍丘皆拔之從征黃巾劉辟黃邵等屯版
梁邵等夜襲曹公營禁帥麾下擊破之斬辟邵等盡降
其衆遷平虜校尉

鮑信少有大節寬厚愛人沈毅有謀漢末大將軍何進
辟拜騎都尉遣歸募兵得千餘人還到成臯而進已遇
害信至京師董卓亦始到信知卓必為亂勸袁紹襲卓
紹畏卓不敢發信引軍還鄉里收徒衆二萬騎七百輜
重五千餘乘是歲太祖始起兵於巴吾信與弟韜以兵
應太祖太祖與袁紹表信行破虜將軍韜裨將軍時紹
衆最盛豪傑多向之信獨謂太祖曰大畧不世出能搃
英雄以撥亂反正者君也苟非其人雖強必斃君殆天

之所啓遂深自結納太祖亦親異焉

龐晃字元顯少以良家子刺史杜達召補州都督太祖
既有闕中署晃大都督領親信兵常置左右晃因徙居
關中

曹仁字子孝太祖從弟少好弓馬弋獵從太祖為別部
司馬行厲鋒校尉太祖之破袁術仁所斬獲頗多從征
徐州仁嘗督騎為軍前鋒別攻陶謙將呂繇破之還與
大軍合彭城大破謙軍從攻費華即墨開陽謙遣別將

救諸縣仁以騎擊破之太祖征呂布仁別攻勾陽拔之
生獲布將劉何太祖平黃巾迎天子都許仁數有功以
議郎督騎太祖征張繡仁別徇旁縣虜其男女三千餘
人太祖與袁紹久相持於官渡紹遣劉備徇潁彊諸縣
多舉衆應之太祖使將騎擊備破走之盡復收諸叛縣
而還紹遣別將韓荀鈔斷西道仁擊荀於雞雒山大破
之封都亭侯從平荊州以仁行征南將軍留屯江陵拒
吳將周瑜瑜將數萬人來攻前鋒數千人始至仁登城

望之乃募得三百人遣部曲將牛金逆與挑戰遂為所圍仁將其麾下壯士數十騎直前衝入賊圍金等乃得解賊衆乃退轉封安平亭侯太祖討馬超以仁行安西將軍拒潼關破超渭南蘇伯田銀反討破之復以仁行征南將軍假節屯樊鎮荊州侯音以宛叛畧縣衆數千人仁率諸軍攻破音斬其首還屯樊即拜征南將軍關公攻樊時漢水暴溢城不沒者數板會徐晃救至水亦稍減仁得潰圍而出文帝初即王位拜仁為車騎將軍都督

荆揚益州諸軍事進封陳侯增邑至三千五百戶

曹洪字子廉太祖從弟太祖起義兵討董卓至滎陽為卓將徐榮所敗太祖失馬賊追甚急洪授太祖馬得以俱濟文帝即王位以洪為前將軍

曹真字子丹魏太祖族子從操征伐屢建大勳文帝踐祚以真為鎮西將軍假節都督雍涼州諸軍事進封東鄉侯

張遼字文遠李傕敗呂布遼從呂布東奔徐州領魯相

太祖破呂布於下邳遼將其衆降拜中郎將賜爵關內侯數有戰功遷裨將軍袁紹破別定魯國諸縣與夏侯淵圍昌豨於東海降之從討袁譚袁尚於黎陽有功行中堅將軍從攻尚於鄴尚堅守不下太祖還許使遼與樂進拔陰安復從攻鄴鄴破別徇趙國常山招降緣山諸賊及黑山孫輕等從攻袁譚譚破別徇海濱破遼東賊柳毅等還為盪寇將軍復別擊荊州定江夏諸縣還屯臨潁封都亭侯從征袁尚於柳城擊斬單于蹋頓又

陳蘭梅成以氏六縣叛遼督張邵朱蓋等討蘭成蘭轉
入瀟山瀟山中有天柱山高峻二十餘里遼攻敗斬之
太祖征孫權還使遼與樂進李典屯合肥權攻合肥十
餘日城不可拔乃退遼率諸軍追擊幾復獲權太祖大
壯之拜征東將軍還屯陳邵文帝即王位轉前將軍孫
權復叛遣遼還屯合肥進爵都鄉侯文帝踐祚封晉陽
侯

樂進字文謙以膽烈從太祖為帳下吏遣募兵得千餘

人還為軍假司馬陷陣都尉從擊呂布於濮陽張超於
雍丘橋蕤於苦皆先登有功封廣昌亭侯從征張繡於
安衆圍呂布於下邳別將擊眭固於射犬攻劉備於沛
皆破之拜討寇校尉渡河攻獲嘉還從擊袁紹於官渡
力戰斬紹將淳于瓊從擊譚尚於黎陽斬其大將嚴敬
行游擊將軍別擊黃巾破之定樂安郡從圍鄴鄴定從
擊袁譚於南皮先登入譚東門譚敗別攻雍奴破之太
祖表漢帝為折衝將軍別征高幹從平荊州留屯襄陽

擊蜀將蘇非等皆走之又攻蜀主臨沮長杜普旌陽長
梁太皆大破之後從征孫權假節屯合肥遷右將軍

張郃字儁乂初為袁紹寧國中即將後歸太祖拜偏將
軍從攻鄴拔之又從擊袁譚於渤海別將軍圍雍奴大
破之後討柳城與張遼俱為軍鋒以功遷平狄將軍別
征東萊討管承又與張遼討陳蘭梅成等破之從破馬
超韓遂於渭南圍安定降楊秋與夏侯淵討鄜賊梁興
及武都氐又破馬超平宋建太祖征張魯先遣郃督諸

軍討興和氏王竇茂太祖從散關入漢中又先使郃督步卒通路至陽平魯降太祖還留郃與夏侯淵等守漢中拒劉備郃別督諸軍降巴東巴西二郡淵戰沒諸軍推郃為軍主太祖在長安遣使假郃節還屯陳倉文帝即王位以郃為左將軍進爵都鄉侯及踐祚進封鄭侯徐晃字公明初從車騎將軍楊奉討賊有功拜騎都尉後歸太祖太祖授晃兵使擊卷原武賊破之拜裨將軍從征呂布別降布將趙庶李鄒等與史渙斬眭固於河

內從破劉備又從破顏良拔白馬進至延津破文醜拜
偏將軍與曹洪擊滎彊賊祝臂破之又與史渙擊袁紹
運車於故市功最多封都亭侯太祖既圍鄴又別討毛
城設伏兵掩擊破三屯從破袁譚於南皮討平原叛賊
克之從征蹋頓拜橫野將軍從征荊州別屯樊討中廬
臨沮宣城賊又與滿寵擊蜀將於漢津與曹仁擊周瑜
於江陵又討太原反者圍太陵拔之斬賊帥高曜韓遂
馬超等反闕右遣晃屯汾陰以撫河東太祖破超等又

使晃與夏侯淵平隄糜汧諸氏太祖還鄴使晃與夏侯
淵拒劉備於陽平備遣陳式等十餘營絕馬鳴閣道晃
別征破之復遣晃助曹仁討關羽屯宛會漢水暴溢于
禁等沒羽圍仁於樊又圍將軍呂常於襄陽晃擊破之
文帝即王位以晃為右將軍進封遠鄉侯及踐祚進封
陽平侯

許褚字仲康譙國人漢末聚少年及宗族數千家共堅
壁以禦寇太祖徇淮汝褚以衆歸太祖太祖見而壯之

曰此吾樊噲也即日拜都尉引入宿衛諸從褚俠客皆以為虎士從征張繡先登斬首萬計遷校尉從討袁紹於官渡時常從士徐他等謀為逆以褚長侍左右憚之不敢發伺褚休下日他等懷刀入褚至下舍心動即還侍他等不知入帳見褚大驚愕他色變褚覺之即擊殺他等太祖益親信之出入同行不離左右從圍鄴力戰有功賜爵關內侯從討韓遂馬超於潼關太祖將北渡臨濟河先渡兵獨與褚及虎士百餘人留南岸斷後超

將步騎萬餘人來奔太祖軍矢下如雨褚白太祖賊來
多今兵渡已盡宜去乃扶太祖上船賊戰急軍爭濟船
重欲沒褚斬攀船者左手舉馬鞍蔽太祖船工為流矢
所中死褚右手竝泝船僅乃得渡是日微褚幾危其後
太祖與馬超等單馬會語左右皆不得從唯將褚超負
其力陰欲前突太祖素聞褚勇疑從騎是褚乃問太祖
曰公有虎侯者安在太祖顧指褚褚瞋目眇之超不敢
動乃各罷後數日會戰大破超等褚身斬首級遷武衛

中郎將武衛之號自此始也軍中以褚力如虎而癡故號曰虎癡是以超問虎侯至今天下稱焉皆謂其姓名後遷中堅將軍文帝踐祚進封萬亭侯

蜀關公字雲長本字長生河東解人亡命奔涿郡先主於鄉里合徒衆而公與張飛為之禦侮先主為平原相以二人為別部司馬分統部曲先主與二人寢則同牀思若兄弟而稠人廣坐侍立終日隨先主周旋不避艱險先主之襲殺徐州刺史車胄使公守下邳城行太守

事建安五年曹公東征擒羽以歸拜偏將軍曹公知公無久留之意使張遼問之公歎曰吾極感曹公待我厚然吾受劉將軍厚恩誓以同死不可背之及公殺顏良乃奔先主會曹公定荊州先主自樊將南渡江別遣公乘船數百艘會江陵曹公追至當陽長阪先主斜趨漢津適與公船相值共至夏口孫權遣兵佐先主拒曹公曹公引軍退歸先主收江南諸郡乃封拜元勳以公為襄陽太守盪寇將軍駐江北先主西定益州拜公董督

荊州事二十四年先主為漢中王拜公為前將軍假節
鉞公攻曹仁還至江陵為吳逆擊斬之

張飛字翼德涿郡人少與關公俱事先主又曹公入荊
州先主奔江南曹公追之一日一夜及于當陽之長阪
先主使飛將二十騎拒後飛據水斷橋瞋目橫矛曰身
是張翼德也可來共決死敵皆無敢近者故遂得免先
主已定江南以飛為宜都太守征虜將軍封新亭侯後
轉在南郡先主入益州還攻劉璋飛與諸葛亮等泝流

而上分定郡縣至江州

今渝
奴

破璋將巴郡太守嚴顏所

過戰克與先主會于成都領巴西太守曹公以夏侯淵

張郃守漢川郃別督軍下巴西欲徙其民於漢中進軍

宕渠蒙頭盪石與飛相拒五十餘日飛率精卒萬餘人

從他道邀郃軍交戰郃棄馬緣山從間道退引軍還南

鄭巴上獲安先主為漢中王拜飛為右將軍假節章武

元年遷車騎將軍進封西鄉侯

馬超字孟起扶風茂陵人漢前將軍騰之子累遷徐州

刺史諫議大夫及騰入宿衛以超為偏將軍使領騰營
率諸戍以擊隴上郡縣殺涼州刺史韋康據冀城有其
衆超自稱征西將軍領并州牧督涼州諸軍事康故吏
楊阜姜叙梁寬趙衢等合謀擊超超出攻之不能下乃
奔漢中聞先主圍劉璋於成都密書請降先主遣人迎

超超將兵徑到城下城中震怖璋即稽首

先主聞超至喜曰我得益

州矣乃使人止超而潛以兵資之超到令引軍屯城北未一旬而成都潰

以超為平西將軍

督臨沮因為前都亭侯先主為漢中王拜超為左將軍

假節既即位遷驃騎將軍領涼州牧封麋鄉侯

黃忠字漢升南陽人荊州牧劉表以為中郎將與表從子磐共守長沙攸縣及曹公克荊州假行裨將軍仍就故任統屬長沙太守韓玄先主南定諸郡忠遂委質隨從入蜀自葭萌受任還攻劉璋忠常先登陷陣勇毅冠三軍益州既定拜為討虜將軍建安末於漢中定軍山擊夏侯淵淵軍大敗遷征西將軍先主為漢中王以忠為後將軍賜爵關內侯

趙雲字子龍常山真定人本屬公孫瓚瓚遣先主為田
楷拒袁紹雲遂隨從為先主主騎時先主亦依瓚每接
納雲雲得深自結託雲以兄喪辭瓚暫歸先主知其不
反捉手而別雲辭曰終不肯德也先主就袁紹雲見於
鄴先主與雲同牀眠臥密遣雲合募得數百人皆稱劉
左將軍部曲紹不能知遂隨先主至荊州及先主為曹
公所追於當陽長阪棄妻子南走雲身抱弱子即後主也保
護甘夫人即後主母也皆得免難遷為牙門將軍雲領留營

司馬時孫夫人權之妹聞先主西征大遣舟船迎妹而
夫人內欲將後主還吳雲與張飛勒兵截江乃得後主
先主自葭萌還攻劉璋召諸葛亮亮率雲與張飛等沂
江西上平定郡縣至江州分遣雲從外水上江陽與亮
會于成都成都既定以雲為翊軍將軍建興元年為中
護軍封永昌亭侯



冊府元龜卷三百四十二